


麻證全書

孟時痘寶鑑
竈黃署簽



麻

證

新

書



南京中医药大学图书馆版权所有

光緒二十九年
板存 蕭瀚生



北京中医药大学图书馆版权印

凡例

一此疾天下通病名色各別稱瘡乃浙閩之稱俗言也

按金匱玉函經麻證卽是書名當名之曰麻證新書

一此書原爲麻證而設方論湯藥除消毒退火養陰外
限於篇幅不及備載

一首列論次湯頭次藥名使窮鄉僻壤可按圖索驥瞭
如指掌

一論中湯藥或一論一湯或三四湯十餘湯不等每湯



下註明此湯在第幾號卽在湯頭上排定甲乙以便尋閱使可循途問徑不致歧路亡羊

一按次排定病證逐條詳議不獨醫家學步卽家置一

編遇麻可細細尋繹有濟世活人之德以故必須藥

性醫方病源調理保護各法一一詳列眉目井然使

閱者瞭然心目

二病有標本虛實寒熱各異處方論證逐細詳開有條

不紊學者可尋源竟委不致錯誤



一此書藥味分兩炮製先後煎法用水用火俱有準則
熱飲冷飲溫飲露飲亦有定法學者宜細心留意

一此書立方多有各先賢成方間有原論集成薈萃通
貫全詣儻有好事生風指爲錄舊識者自當明鑒

一此證普天都有大小男女無不傳染雖比痘證略輕
然一生病根全在此關而更有緊要者時當疫氣流
行此證必多故特著此醫書爲寰海蒼生之計

一此書旣成普天同慶萬世馨香其功甚大非平常行

善可比如刊後有樂善願助者許其書後列名惟不
得開卷列名



北京中医药大学图书馆藏书

原序

原夫黃岐創藥和緩製方痼疾沉痾變新割故所以杏
仁糜犬甘草化羊物類感人神靈莫測范文正公云不
爲良相卽爲良醫蘇文忠公云醫雖出於時手方實創
於古人賢士大夫古聖先哲多究心此道豈淺鮮哉麻
科世所罕有亦少傳書世運開未有之奇局醫道啟未
有之奇書賴 滑公苦心孤詣集成全書諸君左右維
持大功已就療疾救人千秋同善此中依論立方因方

治病無幾微累惟脈理全書不談非脫簡也緣此證多
兒曹所發方脈雖感亦難訂定脈理以故不傳法律惟
病脈兩字究不可闕不揣鄙陋敢補心傳

如麻證不論初潮收後右手脈和緩有力雖重可治嬰
兒以一指按右寸及關有神不妨無礙此卽吉凶消長
之機最不可忽其餘各法詳慎周密無可增減爲度世
之金鍼救人之寶筏願習此道者細心研究觸類旁通
謂麻證之全書可謂時疫之寶鑑亦無不可書旣藏間

序於余節序此并示脈理後之人當玩索而得勿以空
言爲河漢則得已

浮海道人作



新寧中醫大學圖書館版權所有

滑先生原論

吾本北人自

先祖考服官南行束髮受書卽好醫理

醫道濟人厯五十寒暑以內經文語深奧註內經真詮

難經博議脈理存真因家貧不能付刻惟脈學一書行

世最先今此麻證新書吾與張先生共製如有心濟世

者傳此絕大之功此六合嬰兒之幸吾與張君素志藉

此標揚此書要議全在保護非時醫俗流專以透發爲

主卽西河柳透麻遐邇同出此極害人此物陽和初布



萌孽最早其性溫散竄揚體壯之人猶恐難抵止弱質
柔姿何堪設想南方秉氣柔弱嫩脆更宜調護得法有
此救劫良書爲蒼生開一光明世界補前人未發之奇
開後學將來之法其功德豈可限量哉

嘗見六合以內幼童均有痘瘡二關痘雖險證自宋王
旦傳種苗法後賢踵起痘書林立兼有專科維瘡疹絕
少專書各家雖略述程目亦皆語焉不詳擇焉不精一
逢此證方脈多委兒科兒科卽推痘醫轉輾錯誤兒命



不堪矣痘乃陽證五臟所發瘡爲陰證六腑所出癰水
火然因此證人多藐視不知此證爲兒女要緊關頭一
生氣血虛實由此分逕稍不留意病纏終身矣近來人
多內證大半因瘡中所遺禍此書一出暗室明燈不但
爲幼穉開一甘露法門直欲洩造化未有之奇納羣生
於在宥夫豈可等閑比哉

此書救渡無邊不但痲疹中要旨燦然大備卽將來疫
證流行亦可採取天道六十年一小變三百六十餘年

一中變三千六百年一大變古書雖精華具在然時移
勢易氣稟各殊此書立論定方別出新裁權變有經修
陽有敘洵可爲生民救世之大書也

原評

天下莫大功行濟世救人此書可救六合之內千古以
下其功其德大矣至矣

此書傳名後世普度羣生大事大法大功大業巍乎煌
哉於戲大矣



寧夏中醫學院圖書館藏

原論

此書挽造化之原闡陰陽之祕並美蘭臺增光素問豈
專治麻疹窮其變直可參內傷外感而同觀初起論說
發揮暢滿議論閎深所治各證毫無遺恨湯丸各方集
先聖之大成啟後覺之津梁無偏無黨宜古宜今精細
之餘又兼詳切此書雖窮鄉僻壤家置一編可按論尋
方因方設藥豈但麻疹證而已乎時疫溫病均可參觀有
此活人全書洵爲普濟羣生之寶

原評

讀大旨汪洋一片超超元箸不但濟世救人兼可並復
素問靈樞大觀大觀

原論

斗室銘心著書濟世功莫大焉天道福善禍淫天災代
有立善可挽大則一鄉小則一家此中自有權衡此書
數十年後疫勢必盛藉此救度活人不可恆河沙計嗚
呼大矣



上海中医药大学图书馆版权所有

敘

昔周公分官三百六十屬而以醫列其中醫必以十全
爲上宋范文正公云不爲良相當爲良醫以良相能寅
亮天地良醫亦變理陰陽也顧嘗觀醫書中如傷寒中
風瘧痢咳嗽喉痛溫疫婦女行經胎產小兒疳驚痘疹
各有專門而於麻證獨未載卽載矣亦語焉不詳擇焉
不精求其立論定方統寒熱虛實老少強弱分門別戶
各具妙義者蓋不可得醫者苦之病者尤苦之庚子冬

